

Landesbibliothek Oldenburg


Digitalisierung von Drucken

Osnabrugensis Episcopatus

Gigas, Johann Michael

Amstelodami, [1631]

[urn:nbn:de:gbv:45:1-639605](https://nbn-resolving.org/urn:nbn:de:gbv:45:1-639605)



32

DESCRPTIO
OSNABRUGENSIS
EPISCOPATVS.

Termini.



MONASTERIENSIS Diocesis Occidentem & Orientem versus adiacet Episcopatus Osnabrugensis, Mindensis vero ad Ortum, in veteri Bructerorum regione, quæ nunc ad Westphalam pertinet. Et habet Bructerorum nominis terminationem urbs, ut & alia in eo tractu complures. Civitas insignis est, à Comitibus de *Engern* extructa, auctore Hermanno. Alii à Iulio Cæsare hanc urbem inceptam esse perhibent, ut *Annales Saxonum*. Ferunt hanc à pellibus bovinis dictam, quibus urbs hæc fuerat circumdata, quasi dicas *Osfenburgam*. Sita est in valle amœnissima, irrigaturque *Hafa* flumine. Tempore *Caroli Magni* infedit loca ista *Widkindus* Saxonum regulus, quo devicto Ecclesiam illic in honorem *B. Petri*, & sanctorum *Crispini* & *Crispiani* excitavit *Carolus*: deditque ei Episcopum *Wisonem* cum ingentibus latifundiis, & Schola Græca ac Latina: sicut ex instrumento donationis liquet, quod nos ad verbum descripsimus:

Atterp.

Diploma Caroli Magni.

In nomine sanctæ & individuae Trinitatis. *Carolus Imp. Augustus* Romanum gubernans Imperium, *Dominus* & Rex Francorum & Longobardorum, necnon dominator Saxonum. Notum sit omnibus sanctæ Ecclesiæ fidelibus, nostrisque præsentibus & futuris, quod nos ob nostræ mercedis augmentum, *Wisoni* Episcopo Osnabrugensi, suæ Ecclesiæ, quam nos primam in omni Saxoniam in honorem *S. Petri* principis Apostolorum & Sanctorum martyrum *Crispini* & *Crispiani* construximus, quoddam nemus vel forestum intra hæc loca, *Farnevinkel*, *Rustenhym*, *Angaria*, *Osfingene*, *Dersthofer*, *Egeiterselt*, innumera collau-

datiōne illius regionis potentum, cum omni integritate in porcis silvestribus, cervis, avibus & piscibus, omni- que venatione, quæ sub banno usuali ad forestum deputatur, ad similitudinem foresti nostri *Aquisgrani* in silvata *Osfingi*, in perpetuum pietatis usum donavimus, ea videlicet ratione, quod si quispiam hoc idem nemus nostro banno mutatum sine prædictæ fœderis Episcopi licentia studio venandi vel aliud agendi unquam introierit, sciat, se tam divinæ quam regie ultionis vindictam incursum, necnon pro delicto sexaginta solidos nostri ponderis, quos nobis pro banno violato statim debere, redditurum. Insuper vero eidem Episcopo ejusque successoribus perpetuam concedimus licentiam, libertatem, & ab omni regali imperio absolutionem; nisi forte contingat, ut Imperator Romanorum & rex Græcorum, conjugalia fœdera inter filios eorum contrahi disponant. Tunc Ecclesiæ illius Episcopos cum sumptu à rege vel Imperatore adhibito laborem simul & honorem illius legationis adsumet. Et ea de causa statimus, quod in eodem loco Græca & Latina Scholas in perpetuum manere ordinavimus: nec unquam clericos utriusque linguæ gnaros deesse confidimus, & c. *Aquisgrani* in Palatio.

Sunt & hic oppidula minora: *Fortenove*, *Vorde*, *Village*, *Melle*, *Iburg*, & ad lacum *Dummerium* *Hundeberg*. *Mediam* regionem, uti & metropolim, intersectat *Hafa* fluvius, cujus fons ad meridiem non longe à *Brinck* pago oritur. *Montibus*, & vallibus, amœnissima sunt loca, pascuis & ericetis amplissima, falconum prope lacum jam dictum aucupio jucundissima. Paludes quoque & stagna habet. In confinibus vides ad Occidentem Comitatum *Tecklenberg*, ad meridiem Comitatum *Ravensberg*.

Oppidula.
Fluvius.
Lacus.

H h

L710 32.825